

REGIONAL NEWS BULLETIN

HEADLINES (MORNING)

1. Directorate of Economics and Statistics in a chhinchhiah danin nikum 2024 January ni khat atanga December ni 31 thleng khan Mizoram pumpuiaah naupiiang sing khat sang ruk za sawmthum paruk an awm.
2. Mizoram Pollution Control Board (MPCB) hotute chuan kum 2024 kumhlui thlah zana boruak dinhmun chu kum hmasa lam aiin boruak a ti bawlhhlawh nep tih an sawi.
3. Ramchhunga Generation Beta nau piang hmasa ber chu Mizorama mi Frankie Remruatdika Zadeng a ni a, December ni 31 zan lai pelh hret dar 12 leh minute 3 khan Synod Hospital Durtlangah a piang a ni.
4. ExPrime Minister Narendra Modi chuan vawiin hian Delhi-ah cheng vaibelehhe 12,200 chuang senga hmasawna tur project hrang hrang a hawng ang a, lungphum a phum dawn a ni.

<><><>

BIRTH & DEATHS

Directorate of Economics and Statistics in a chhinchhiah danin nikum 2024 January ni khat atanga December ni 31 thleng khan Mizoram pumpuiaah naupiiang sing khat sang ruk za sawmthum paruk an awm a, mithi 6536 awmin Nikum chhunga mithi aia naupiiang an tam zawkna hi 9600 a ni.

Nikum 2024 chhunga District hrang hranga naupiiang zat te chu Aizawl District-ah 6751, Lawngtlai District-ah 2416, Champhai District-ah 1431, Lunglei District-ah 1406, Kolasib District-ah 1159, Mamit District-ah 1048, Siaha District-ah 918, Serchhip District-ah 400, Saitual District-ah 319, Khawzawl District-ah 214 leh Hnahthial District-ah 74 te an ni a, Sawi tawh angin nikum January ni khat atanga December ni 31 thlenga Mizoram puma naupiiang zat hi sing khat sang ruk za sawmthum paruk a ni.

Directorate of Economics and Statistics in a chhinchhiah danin nikum 2024 January ni khat atanga December ni 31 inkar khan Mizoram pumpuiaah mithi 6536 an awm a, natna zingah cancer vanga thi 641 awmin Cancer hi thihpui tam ber a ni a, a dawtah thawk lama harsatna respiratory diseases vanga thi 532 an awm a, Lung Natna (Heart Diseases) vanga thi 482 awmin thihpui tam ber pathumna a ni a, chetsualna avanga thi 216 awmin mahni intihlum mi 58 an awm a, thisen sang (Hypertension) vanga thi 55 awmin TB vanga thi 39 leh Malaria vanga thi 26 an awm a, Thin lam natna vanga thi mi 27, Covid 19 vanga thi mi 2, HIV/AIDS vanga thi pakhat leh chhan dang dang vanga thi 4457 an awm a ni.

<><><>

MPCB

Mizoram Pollution Control Board (MPCB) hotute chuan kum 2024 kumhlui thlah zana boruak dinhmun chu kum hmasa lam aiin boruak a ti bawlhhlawh nep tih an sawi.

Akashvani palai nen an inkawmna ah he thu hi sawiin, MPCB hotute chuan Sikulpuikawna Automatic Air Quality Monitoring Station-in boruak dinhmun a chhinchhiah dan atanga a lan danin kum 2024 kum hlui thlah zanah halpuaah leh halmawi halin kum hmasa lam aiin boruak a tibawlhhlawh nep deuh an ti a, Air Quality Index (AQI) hi kumhlui thlah ni chhun lamah chawhrualin 52.9 a nih lain zanlai dar 12 leh dar 1 inkar halpuaah hal vanglaiah chuan 115 a kai chho an ti a. Kum 2023 zanlai dar 12 leh dar 1 inkara AQI erawh 597 lai a ni tih sawiin kum 2023 aiin kumin 2024 ah halpuaah hal vanglai zanlai dar 12 atanga dar 1 inkarah AQI chu a let nga (5) laiin a tlahniam tih an sawi.

MPCB chuan boruak tha nei zel thei tura sawrkar hmalakna mipuiin an thlawp kawngah hma an sawn tih sawiin kum hmasa lam aiin halpuaah leh halmawi an hal nasa lo an ti a. Boruaka bawlhhlawh nawi leng zinga te zual leh hauhawm zual, taksa chhungril, chuap leh thisena kal tlang thei pawh kum hmasa lam aiin a tlahniam tih an sawi bawk.

Voicecast : Lalengmawii Akashvani News Aizawl

(Zirchianna atanga a lan danin December ni 31 zing dar 6 leh tlai dar 6 inkar AQI chu kum 2023-ah 13.13 a nih laiin kum 2024-ah erawh 52.9 a ni. Hei hian a entir chu kan Aizawl boruak hian a kum telin bawlhhlaw lam a pan ve zel tihna a ni.)

<><><>

FIRST BETA BABY BORN

Ramchhunga Generation Beta nau piang hmasa ber chu Mizorama mi Frankie Remruatdika Zadeng a ni a, December ni 31 zan lai pelh hret dar 12 leh minute 3 khan Synod Hospital Durtlangah a piang a ni.

Synod Hospital Durtlang Lawmna Ward Sister Lalchhuanawmi chuan Akashvani Correspondent zawhna chhangin nau piang chu January ni 1, 2025-a piang a nih thu leh a rih zawng chu kg 3 leh gram 120 a ni a ti a, a pian tirhah sawiselna a awm loh thu a sawi.

Kumthar nau piang hmasa ber ‘Generation Beta’ zinga mi hi Frankie Remruatdika Zadeng a ni a, a nu hi Ramzirmawii niin a pa chu ZD Remruatsanga a ni a, Aizawl Khatla East-a cheng niin Unau pianpui hmeichhia pakhat a nei a ni.

Mihring pian kum atanga teh in Generation hi then hran a ni a, Futurist Mark McCrindle chuan heng generation hrang hrang hming hi vuahin, kum 2025 atanga kum 2039 inkara piang te chu “Generation Beta”(Gen Beta) tih vuah an ni. Mizorama Naupang piang hmasa ber Frankie Remruatdika Zadeng hi India rama kum 2025 a piang hmasa ber ni a chhinchhiah niin, India rama Gen Beta nausen hmasa ber a ni bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

CM

Chief Minister Pu Lalduhoma’n Zo fate chawr chhuahna in ang lo karah hnam tobul dik tak chhui chhuah a pawimawh tih a sawi.

Dr. Selbuanga Foundation (Sel Foundation) te bultuma siam, mithiam pali te’n a zirchianna behchhana an ziak “Mizo History leh Sailo Lal Ropuite: Vandula leh Ropuiliani” chu nimin khan Chief Minister chuan Aijal Club ah a tlangzarh a. Hnam tobul chhui chhuah ngaih pawimawh a tul thu Chief minister chuan sawiin Zofate chawr chhuahna dik tak chhui chhuak turin sorkarin hma lak a tum a ti a. Hetah hian mi thiam team dinin hmun hrang hrang atanga Mizo history zir a, lak khawm a tul a, hemi tur hian ruahmanna kalpui a nih thu a sawi.

(VOICE CAST)

(Chief Minister chuan Mizo thlahtute chungchang Sawi dan hrang hrang awm thin chu zirbingna mumal tak nen khawi atanga Lokal Nge an nih chu pawm dan inang neih a ngai tih a sawi bawk a.

He lehkhabu hi MZU-a zir chhuak tawh leh thawktute ziah niin Rin thu ni lo a zirbingna nen thlapa hnam thil chhui a ziah a pawimawh thu a chhuahthu te chuan an sawi a ni.)

<><><>

PM

Prime Minister Narendra Modi chuan vawiin hian Delhi-ah cheng vaibelchhe 12,200 chuang senga hmasawna tur project hrang hrang a hawng ang a, lungphum a phum dawn a ni.

Akashvani correspondent sawidan chuan, Sahibabad leh New Ashok Nagar inkar Delhi-Ghaziabad-Meerut Namu Bharat corridor kilometre 13-a thui, cheng vaibelchhe 4,600 vel man chu Prime Minister-in a hawng dawn a. Sahibabad RRTS Station atanga New Ashok Nagar RRTS Station thleng Namu Bharat Train-ah a chuang anga, PM Modi hian Delhi Metro Phase-IV-a Janakpuri leh Krishna Park inkar kilometre 2.8-a thui, cheng vaibelchhe 1,200 vel man chu a hawng dawn bawk a ni.

West Delhi hmun hrang hrang, Krishna Park, Vikaspuri hmun thenkhat, Janakpuri, leh a dangte pawhin he kawng thar hi an hlawkpui dawn a ni. Hei bakah hian PM Modi hian Delhi Metro Phase-IV-a km 26.5-a thui Rithala-Kundli section lungphum a phum dawn a, cheng nuai 6,230 vel man a ni.

He kalkawng hian Delhi-a Rithala leh Haryana-a Nathupur (Kundli) a thlunzawm dawn a ni. New Delhi-a Rohini-a Central Ayurveda Research Institute (CARI) tana building thar sakna tur lungphum a phum dawn bawk a ni. Campus hian healthcare leh medical infrastructure tha ber ber a nei thei dawn a ni.

(News On Air)

<><><>